



唐詩類鈔七卷目錄

七言律

杜審言 二首

沈佺期 二首

鄭悖 二首

蘇頲 三首

張說 二首

李邕 一首

孫逖 一首

孟浩然 一首

李頎 四首

崔顥 二首

崔曙 一首

王維 九首

王昌齡 一首

賈至 一首



高適 三首

岑參 九首

張謂 二首

張志和 一首

劉長卿 二十首

韋應物 一首

皇甫冉 二首

皇甫曾 三首

錢起 七首

郎士元 二首

韓翃 三首

包何 二首

李嘉祐 四首

竇叔向 一首

盧綸 七首

李端 二首

司空曙 三首

耿緯 一首

崔峒 一首

嚴維 二首

張繼 一首

張南史 一首

權得輿 一首

武元衡 一首

竇常 一首

劉禹錫 三首

柳宗元 三首

韓愈 六首

楊巨源 三首

張籍 六首

王建 二首

白居易 一首

元稹 一首

李德裕 一首

李紳 一首

賈島 一首

姚合一首

李商隱十六首

杜牧三首

許渾十首

薛逢二首

趙嘏一首

温廷筠三首

李頻一首

李群玉一首

李郢一首

劉滄四首

陸龜蒙二首

方干一首

來鵬一首

張喬一首

唐彦謙一首

羅隱一首

羅鄴一首

崔魯一首

章碣一首

曹松一首

吳融一首

韓偓四首

韋莊一首

張泌三首

盧宗回一首

宋邕一首

譚用之二首

陳標一首

劉威一首

唐詩類鈔七卷目錄終

唐詩類鈔卷之七

七言律

守歲侍燕應制

杜審言

季冬除夜接新年帝子王臣捧御筵宮闕星河  
低拂樹殿庭燈燭上薰天彈弦奏節梅風入對  
局探鈞栢酒傳欲向正元歌萬壽暫留歡賞寄  
春前

春日京中有懷

今年遊寓獨遊身愁思看春不當春上林苑裏

唐詩卷一  
花徒發細柳營前葉漫新  
公子南橋應盡興  
將軍西第幾留賓  
寄語洛城風日道  
明年春色倍還人

古意

沈佺期

盧家少婦鬱金香  
海燕雙棲玳瑁梁  
九月寒砧催下葉  
十年征戍憶遼陽  
白狼河北音書斷  
丹鳳城南秋夜長  
誰爲含愁獨不見  
更教明月照流黃

遊同杜員外審言過嶺

天長地濶嶺頭分  
去國離家見白雲  
洛浦風光何所似  
青山瘴癘不堪聞  
南浮漲海人何處  
北望衡陽鴈幾群  
兩地江山萬餘里  
何時重謁聖明君

奉和春日幸望春宮

鄭愔

晨蹕凌高轉翠旌  
春樓望遠背朱城  
忽排花上遊天苑  
却坐雲邊看帝京  
百草香心初習蝶  
千林嫩葉始藏鶯  
幸同葵藿傾陽早  
願比盤根應帝榮

人日侍燕大明宮

瓊殿含光映早輪  
玉鑾嚴蹕望初晨  
池開凍水僊宮麗  
樹發寒花禁苑新  
佳氣徘徊籠細網  
殘雲浙瀝染輕塵  
良時荷澤皆迎勝  
窮谷晞陽猶未春

奉和春日幸望春宮應制

蘇頌

東望望春春可憐  
更逢晴日柳含烟  
宮中下見南山盡  
城上平臨北斗懸  
細草偏承回輦處  
飛花故落舞觴前  
宸游對此懽無極  
鳥弄歌聲雜管絃

春晚紫微省直寄內

直省清華接建章  
向來無事日猶長  
花間燕子棲鳩鵲  
竹下鷓鴣繞鳳凰  
內史通宵承紫誥  
中人落晚愛紅粧  
別離不慣無窮憶  
莫誤卿卿學太常

贈彭州權別駕

雙流脉脉錦城開  
追餞年年往復迴  
祗道哥謠迎半刺  
徒聞禮數揖中台  
黃鶯急轉春風盡  
班

馬長嘶落景催莫愴分飛岐路別還當奏最掖  
垣來

幽州新歲作

張說

去歲荆南梅似雪今年薊北雪如梅共知人事  
何嘗定且喜年華去復來邊鎮戍歌連日動京  
城燎火徹明開遙遙西向長安日願上南山壽  
一杯

滄湖山寺

空山寂歷道心生虛谷迢迢野鳥聲禪室從來  
雲外賞香臺豈是世中情雲間東嶺千重出樹  
裏南湖一片明若使巢由同此意不將蘿薜易  
簪纓

奉和初春幸太平公主南莊 李邕

傳聞銀漢支機石復見金輿出紫微織女橋邊  
烏鵲起仙人樓上鳳凰飛流風入座飄歌扇瀑  
水當階濺舞衣今日還同犯牛斗乘槎共泛海  
潮歸

和左司張員外自洛使入京中路先赴長



安逢立春日贈常侍御及諸公 孫逖  
忽觀雲間數鴈迴更逢山上一花開河邊淑氣  
迎芳草林下輕風待落梅秋憲府中高唱入春  
卿署裏和歌來共言東閣招賢地自有西征作  
賦才

登安陽城樓

孟浩然

縣城南面漢江流江嶂開成南雍州才子乘春  
來騁望群公暇日坐消憂樓臺晚映青山郭羅  
綺晴驕綠水洲向夕波搖明月動更疑神女弄

珠遊

寄司勳盧員外

李頎

流澌臘月下河陽草色新年發建章秦地立春  
傳太史漢宮題柱憶仙郎歸鴻欲度千門雪侍  
女新添五夜香早晚薦雄文似者故人今已賦  
長楊

送魏萬之京

朝聞遊子唱離歌昨夜微霜初度河鴻鴈不堪  
愁裏聽雲山况是客中過關城曙色催寒近御

苑砧聲向晚多莫是長安行樂處空令歲月易  
蹉跎

題璿公山池

遠公遁跡廬山岑開山幽居祇樹林片石孤峰  
窺色相清池白石照禪心指揮如意天花落坐  
卧閑房春草深此外俗塵都不染惟餘玄度得  
相尋

宿瑩公禪房聞梵

花宮仙梵遠微微月隱高城鍾漏稀夜動霜林  
驚落葉曉聞天籟發清機蕭條已入寒空靜颯  
杳仍隨秋雨飛始覺浮生無住著頓令心地欲  
歸依

黃鶴樓

崔顥

昔人已乘白雲去此地空餘黃鶴樓黃鶴一去  
不復返白雲千載空悠悠晴川歷歷漢陽樹芳  
草萋萋鸚鵡洲日暮鄉關何處是烟波江上使  
人愁

行經華陰

岌崑太華俯咸京天外三峯削不成武帝祠前  
雲欲散仙人掌上雨初晴河山北枕秦關險驛  
路西連漢時平借問路旁名利客無如此處學  
長生

九日登仙臺呈劉明府

崔曙

漢文皇帝有高臺此日登臨曙色開三晉雲山  
皆北向二陵風雨自東來關門令尹誰能識河  
上仙翁去不回且欲近尋彭澤宰陶然一醉菊  
花杯

和賈舍人早朝大明宮

王維

絳幘雞人報曉籌尚衣方進翠雲裘九天閭闔  
開宮殿萬國衣冠拜冕旒日色纔臨仙掌動香  
煙欲傍袞龍浮朝罷須裁五色詔珮聲歸到鳳  
池頭

奉和 聖製從蓬萊向興慶閣道中留春

望之作

渭水自縈秦塞曲黃山舊繞漢宮斜鑾輿迴出  
千門柳閣道迴看上苑花雲裏帝城雙鳳闕雨

唐詩卷七  
中春樹萬人家爲乘陽氣行時令不是宸游重  
物華

勅借岐王九成宮避暑

帝子遠辭丹鳳闕天書遙借翠微宮  
隔窓雲霧生衣上捲幔山泉入鏡中  
林下水聲喧語笑巖前樹色隱房櫳  
仙家未必能勝此何處吹簫向碧空

和太常韋主簿五郎溫泉寓目

漢主離宮接露臺秦川一半夕陽開  
青山盡是朱旂繞碧澗翻從玉殿來  
新豐樹裏行人度小苑城邊獵騎回  
聞道甘泉能獻賦懸知獨有子雲才

積雨輞川莊作

積雨空林煙火遲蒸藜炊黍餉東菑  
漠漠水田飛白鷺陰陰夏木轉黃鸝  
山中習靜觀朝槿松下清齋折露葵  
野老與人爭席罷海鷗何事更相疑

酬郭給事

唐詩卷七  
洞門高閣霽餘暉桃李陰陰柳絮飛禁裏踈鐘  
官舍曉省中啼鳥吏人稀晨搖玉珮趨金殿夕  
奉天書拜瑣闥強欲從君無那老將因卧病解  
朝衣

送楊少府貶柳州

明到衡山與洞庭若爲秋月聽猿聲愁看北渚  
三湘遠惡說南風五兩輕青草瘴時過夏口白  
頭浪裏見湓城長沙不久留才子賈誼何須弔  
屈平

酌酒與裴迪

酌酒與君君自寬人情翻覆似波瀾白首相知  
猶按劍朱門先達笑彈冠草色全經細雨濕花  
枝欲動春風寒世事浮雲何足問不如高卧且  
加餐

春日與裴迪過新昌里訪呂逸人不遇

桃源面面少風塵柳市南頭訪隱淪到門不敢  
題凡鳥看竹何須問主人城外青山如屋裏東  
家流水入西隣閉戶著書多歲月種松皆作老

龍鱗

萬歲樓

王昌齡

江上巍巍萬歲樓不知經歷幾千秋年年喜見  
山長在日日悲看水獨流猿猱何曾離暮嶺鷓  
鴒空自泛寒洲誰堪登望雲煙裏向晚茫茫發  
旅愁

早朝大明宮

賈至

銀燭朝天紫陌長禁城春色曉蒼蒼千條弱柳  
垂青瑣百轉流鶯繞建章劍珮聲隨玉墀步衣  
冠身惹御爐香共沐恩波鳳池裏朝朝染翰侍  
君王

送王李二少府貶潭峽

高適

嗟君此別意何如駐馬銜杯問謫居巫峽啼猿  
數行淚衡陽歸鴈幾封書青楓江上秋天遠白  
帝城邊古木疎聖代只今多雨露暫時分手莫  
躊躇

送前衛縣李案少府

黃鳥翩翩楊柳垂春風送客使人悲怨別自驚

唐詩卷七  
千里外論交却憶十年時雲開汶水孤帆遠路  
繞梁山匹馬遲此地從來可乘興留君不住益  
悽其

同陳留崔司戶早春宴蓬池

同官載酒出郊圻晴日東馳鴈北飛隔岸春雲  
邀翰墨傍簷垂柳報芳菲池邊轉覺虛無盡臺  
上偏宜酪酏歸州縣徒勞那可度後時連騎莫  
相違

和賈至早朝大明宮

岑參

雞鳴紫陌曙光寒鶯囀皇州春色闌金闕曉鐘  
開萬戶玉階仙仗擁千官花迎劔珮星初落柳  
拂旌旗露未乾獨有鳳凰池上客陽春一曲和  
皆難

和祠部王員外雪後早朝即事

長安雪後似春歸積素凝華連曙輝色借玉珂  
迷曉騎光添銀燭晃朝衣西山落月臨天仗北  
闕晴雲捧禁闈聞道仙郎歌白雪由來此曲和  
人稀

唐詩卷一  
使君席夜送嚴河南赴長水

嬌歌急管雜青絲銀燭金杯映翠眉使君地主  
能相送河尹天明坐莫辭春城月出人皆醉野  
戍花深馬去遲寄聲報爾山翁道今日河南勝  
昔時

暮春虢州東亭送李司馬歸扶風別廬

柳驪鶯嬌花復殷紅亭綠酒送君還到來函谷  
愁中月歸去磻溪夢裏山簾前春色應須惜世  
上浮名好是閑西望鄉關腸欲斷對君衫袖淚  
痕斑

赴嘉州過城固縣尋永安超禪師房

滿寺枇杷冬著花老僧相見具袈裟漢王城北  
雪初霽韓信壇西日欲斜門外不須催五馬林  
中且聽演三車豈料巴川多勝事爲君書此報  
京華

西掖省即事

西掖重雲開曙暉北山疎雨點朝衣千門柳色  
連青瑣三殿花香入紫微平明端笏陪鸕列薄



暮垂鞭信馬歸官拙自悲頭白盡不如岩下掩  
荆扉

奉和杜相公發益州

相國臨戎別帝京擁旄持節遠橫行朝登劔閣  
雲隨馬夜度巴江雨洗兵山花萬朶盈征蓋川  
柳千條拂去旌暫到蜀城應計日須知明主待  
持衡

九日使君席奉餞衛中丞赴長水

節使橫行西出師鳴弓擐甲羽林兒臺上霜威  
凌草木軍中殺氣傍旌旗預知漢將宣威日正  
是胡塵欲滅時爲報使君多泛菊更將絃管醉  
東籬

首春渭西郊行呈藍田張二主簿

回風渡雨渭城西細草新花踏作泥秦女峯頭  
雪未盡胡公陂上日初低愁窺白髮羞微渌悔  
別青山憶舊溪聞道輞川多勝事玉壺春酒正  
堪携

別蕭郎中

張謂

唐詩卷七  
星輶計日赴岷峨雲樹連天阻笑歌南入洞庭  
隨鴈去西過巫峽聽猿多崢嶸洲上飛黃蝶灩  
澦堆邊起白波不醉郎中桑落酒教人無柰別  
離何

杜待御送貢物戲贈

銅柱朱崖道路難伏波橫海舊登壇越人自貢  
珊瑚樹漢使何勞解豸冠疲馬山中愁日晚孤  
舟江上畏春寒由來此貨稱難得多恐君王不  
忍看

漁父

張志和

八月九月蘆花飛南溪老人垂釣歸秋山入簾  
翠滴滴野艇倚檻雲依依却把漁竿尋小逕閑  
梳鶴髮對斜暉翻嫌四皓曾多事出爲儲皇定  
是非

獻南平王

劉長卿

建牙吹角不聞喧三十登壇衆所尊家散萬金  
酬士死身留一劍答君恩漁陽老將多回席魯  
國諸生半在門白馬翩翩春草綠邵陵西去獵

平原

送陸澧倉曹西上

長安此去欲何依  
先達誰當薦陸機  
日下鳳翔雙闕迴  
雪中人去二陵稀  
舟從故里難移棹  
家在寒塘獨掩扉  
臨水自傷流落久  
贈君空有淚沾衣

謫官後卧病官舍簡賀蘭侍御

青春衣繡共稱宜  
白首垂絲恨不違  
江上幾回今夜月  
鏡中無復少年時  
生還北闕誰將引  
老向南方衆所悲  
歲歲任他芳草綠  
長沙未有定歸期

送皇甫曾赴工部

東遊久與故人違  
西去荒涼舊路微  
秋草不生三徑處  
行人獨向五陵歸  
離心日遠如流水  
回首川長共落暉  
楚客豈勞傷此別  
滄江日暮自沾衣

贈別嚴士元

春風倚棹闔閭城  
水國春寒陰復晴  
細雨濕衣

看不見閒花落地聽無聲日斜江上孤帆影草  
綠湖南萬里情東道若逢相識問青袍今已誤  
儒生

三月三日李明府後庭泛舟

江南煙景復如何聞道新亭更欲過處處紉蘭  
春浦綠萋萋藉草遠山多壺觴須就陶彭澤風  
俗猶傳晉永和更使輕橈徐轉去微風落日水  
增波

賦得

鶯啼燕語報新年馬色龍飛路幾千家住層城  
臨漢苑心隨明月到胡天機中錦字論長恨樓  
上花枝笑獨眠爲問元戎寶車騎何時反旆勒  
燕然

送柳使君赴袁州

宜陽出守新恩至京口因家始願遣五柳閉門  
高士去三苗按節遠人歸月明江路聞猿斷花  
暗山城見吏稀惟有郡齋窓裏岫朝朝長對謝  
玄暉

送李錄事兄歸襄陽

十年多難與君同，幾處移家逐轉蓬。  
白首相逢征戰後，青春已過亂離中。  
行人杳杳看西月，歸馬蕭蕭向北風。  
漢水楚雲千萬里，天涯此別恨無窮。

送馬秀才落第歸江南

南客懷歸鄉夢頻，東風悵別柳條新。  
殷勤斗酒城陰暮，蕩漾孤舟楚水春。  
湘竹舊斑思帝子，江籬初綠怨騷人。  
憐君此去未得意，陌上愁看淚滿巾。

滿巾

使次安陸寄友人

新年草色遠萋萋，久客將歸失路蹊。  
暮雨不知鄖口處，春風只到穆陵西。  
孤城盡日空花落，三戶無人但鳥啼。  
君在江南相憶否，門前五柳幾枝低。

青溪口送人歸岳州

洞庭何處鴈南飛，江菼蒼蒼客去稀。  
帆帶夕陽千里沒，天連秋水一人歸。  
黃花裛露開江岸，白

鳥噉魚上釣磯岐路相逢無可贈老來空有淚  
沾衣

自夏口至鸚鵡洲望岳陽寄阮中丞

汀洲無浪復無煙楚客相思益渺然漢口夕陽  
斜度鳥洞庭秋水遠連天孤城背嶺寒吹角獨  
戍臨江夜泊船賈誼上書憂漢室長沙謫去古  
今憐

登餘干城

孤城上與白雲齊萬古蕭條楚水西官舍已空  
秋草沒女墻猶在夜烏啼平沙渺渺迷人遠落  
日亭亭向客低飛鳥不知陵谷變朝來暮去弋  
陽溪

過賈誼宅

三年謫宦此棲遲萬里惟留楚客悲秋草獨尋  
人去後寒林空見日斜時漢文有道恩猶薄湘  
水無情弔豈知寂寂江山搖落處憐君何事到  
天涯

送李將軍迎故使中丞旅櫬赴京

征西諸將不如君報德誰能不顧勲身逐塞鴻  
來萬里手披荒草看孤墳擒生絕漠經胡雪懷  
舊長沙哭楚雲歸去蕭條灞陵上幾人看葬李  
將軍

送耿拾遺歸上都

若爲天畔獨歸秦對水看山欲暮春窮海別離  
無限路隔河征戰幾歸人長安萬里傳雙淚建  
德千峯寄一身想到郵亭愁駐馬不堪西望見  
風塵

觀校獵上淮西相公

龍驤校獵邵陵東野火初燒楚澤空師事黃公  
千載後身騎白馬萬人中笳隨晚吹迎邊草箭  
沒寒雲落塞鴻三十擁旄誰不羨周郎少小立  
奇功

漢陽獻李相公

退身高卧楚城幽獨掩閑門漢水頭春草雨中  
行逕沒暮山江上捲簾愁幾人猶憶孫弘閣百  
口同乘范蠡舟早晚却還丞相印十年空被白

雲留

題靈祐和尚故居

嘆逝翻悲有此身  
禪房寂寞見流塵  
六時行逕空秋草  
幾日浮生哭故人  
風竹自吟遙入磬  
雨花垂淚共沾巾  
殘經窓下依然在  
憶得山中間許詢

寓居澧上寄于張二舍人

常應物

萬木叢雲出香閣  
西連碧澗竹林園  
高齋獨宿遠山曙  
微霰下庭寒雀喧  
道心淡泊對流水  
生事蕭條空掩門  
時憶故交那得見  
曉排闥闥奉明恩

秋日東郊作

皇甫冉

閑看秋水心無事  
坐對寒松手自栽  
廬嶽高僧留偈別  
茅山道士寄書來  
燕知社日辭巢去  
菊爲重陽冒雨開  
淺薄將何稱獻納  
臨岐終日獨徘徊

同溫丹徒登高萬歲樓

高樓獨上思依依  
極浦遙山合翠微  
江客不堪



頻北望塞鴻何事復南飛丹陽古渡寒煙積爪  
步空洲遠樹稀聞道王師猶轉戰誰能談笑解  
重圍

早朝日寄所知

皇甫曾

長安雪後見歸鴻紫禁朝天拜舞同曙色漸分  
雙闕下漏聲遙在百花中鑪煙乍起開仙仗玉  
珮成行引上公共荷發生同雨露不應黃葉久  
從風

秋夕寄懷契上人

已見槿花朝委露獨悲孤鶴在人群真僧出世  
心無事靜夜名香手自焚窓臨絕澗聞流水客  
至孤峯掃白雲更想清晨誦經處獨看松上雪  
紛紛

奉寄中書王舍人

腰金載筆謁承明至道安禪得此生西掖幾年  
綸綍貴東山遙夜薜蘿情風傳刻漏星河曙月  
上梧桐雨露清聖主好文誰為薦閉門空賦子  
虛成

唐詩卷七  
和李員外扈駕溫泉宮

錢起

未央月曉度踈鐘  
鳳輦時巡出九重  
雪霽山門迎瑞日  
雲開水殿候飛龍  
輕寒不入宮中樹  
佳氣常浮仗外峯  
遙羨枚臯扈仙蹕  
偏承霄漢渥恩濃

贈闕下裴舍人

二月黃鸝飛上林  
春城紫禁晚陰陰  
長樂鐘聲花外盡  
龍池柳色雨中深  
陽和不散窮途恨  
霄漢常懸捧日心  
獻賦十年猶未遇  
羞將短髮對華簪

山中酬楊補闕見訪

日收風恬種藥時  
紅泉翠壁薜蘿垂  
幽谿鹿過苔還靜  
深樹雲來鳥不知  
青瑣同心多逸興  
春山載酒遠相隨  
却慚身外牽纓冕  
未勝尊前倒接巵

幽居春暮書懷

自嘆鄙夫多野興  
貧居數畝半臨湍  
谿雲雜雨來茅屋  
山鳥將雛傍藥欄  
仙籙滿床閒不厭  
陰

符在篋老羞看更憐童子宜春服花裏尋師到  
杏壇

和王員外晴雪早朝

紫微晴雪帶恩光繞仗偏隨鴛鷺行長信月留  
寧避曉宜春花滿不飛香獨看積素凝清禁已  
覺輕寒讓太陽題柱盛名兼絕唱風流誰繼漢  
田郎

送張員外出牧岳州

鳳凰銜詔與何人善政多才寵冠恂臺下鴛鴦  
爭送遠岳陽雲樹待行春自憐黃閣知音在不  
厭彤幘出守頻應笑馮唐衰且拙世情相見白  
頭新

送嚴維尉河南

蕙葉青青花亂開少年趨府下蓬萊甘泉未厭  
揚雄賦吏道何勞賈誼才征陌獨愁飛蓋遠離  
筵只惜暝鐘催欲知別後相思處願植璫枝向  
栢臺

寄常司直

郎士元

唐詩卷七  
聞君感歎二毛初舊友相依萬里餘烽戍有時  
驚暫定甲兵無處可安居客來吳地星霜久家  
在平陵音信踈昨夜東風還入戶登山臨水復  
何如

贈王季友秋夜宿露臺寺見寄

石林精舍虎谿東夜扣禪扉憶遠公月在上方  
諸品淨心持半偈萬緣空蒼苔古道行應徧落  
木寒泉聽不窮更憶雙峰最高頂此心期與故  
人同

同題仙游觀

韓翃

仙臺初見五城樓風物淒淒宿雨收山色遙連  
秦樹晚砧聲近報漢宮秋踈松影落空壇靜細  
草春香小洞幽何用別尋方外去人間亦自有  
丹丘

長沙李少府入蜀

行行獨出故關遲南望千山無盡期見舞巴童  
應暫笑聞歌蜀道又堪悲孤城晚閉清江上匹  
馬寒嘶白露時別後此心君自見山中何事不

相思

送客歸江州

東歸復得采直遊江水迎君日夜流客舍不離  
青雀舫人家多住白鷗洲風吹山帶遙知雨露  
濕荷裳已報秋聞道泉明居止近籃輿相訪可  
淹留

和程員外春日東郊即事

包何

郎官休浣憐遲日野老歡娛爲有年幾處折花  
驚蝶夢數家留葉待蠶眠藤垂苑地縈珠履泉  
長侵堦浸綠錢直到閉關朝謁去鶯聲不散柳  
含烟

同閻伯均宿道觀有述

南國佳人去不回洛陽才子更須媒綺琴白雪  
無情棄羅幌清風到曉開冉冉脩篁依戶牖迢  
迢列宿映樓臺縱令奔月成仙去且作行雲入  
夢來

蘇臺至垺亭驛人家盡空悵然有作寄從

弟紆

李嘉祐

唐詩卷七  
三五  
南浦菰蒲覆白蘋東吳黎庶逐黃巾野棠自發  
空流水江鷺初歸不見人遠樹依依如送客平  
田渺渺獨傷春那堪回首長洲苑烽火年年報  
虜塵

早秋京口贈張侍御

移家避寇逐行舟厭見南徐江水流吳地征徭  
非舊日秣陵凋敝不宜秋千家閉戶無砧杵七  
夕何人望斗牛祇有同時驄馬客編題尺牘問  
窮愁

與從弟兵曹宴集

竹窓幽戶有佳期美酒香茶慰所思嗣輔外甥  
還解易惠連群從摠能詩簷前花落春深後谷  
口鶯啼日暮時去路歸家仍待月垂鞭不控馬  
行遲

暮春宜陽郡齋愁坐忽枉劉七侍御詩因  
以酬荅

子規夜夜啼楸葉遠道逢春半是愁芳草傍人  
還易老落花隨水亦東流山當睥睨常多雨地

唐言卷一  
接瀟湘畏及秋惟羨君爲周柱史手持黃紙到

滄洲

夏夜宿表兄宅話舊

竇叔向

夜合花開香滿庭夜深微雨醉初醒遠書珍重  
何曾達舊事淒涼不可聽去日兒童皆老大昔  
年親友半凋零明朝又是孤舟別愁見河橋酒  
幔青

長安春望

盧綸

東風吹雨過青山却望千門草色閒家在夢中  
何日到春來江上幾人還川原繚繞浮雲外宮  
闕參差落照間誰念爲儒逢世難獨將衰鬢客  
秦關

長安秋夜卽事

九重深鎖禁城秋月過南宮漸映樓紫陌夜深  
槐露滴碧空雲盡火星流清風刻漏傳三殿甲  
第歌鐘樂五侯楚客病來鄉思苦寂寥燈下不  
勝愁

晚次鄂州

雲開遠見漢陽城猶是孤帆一日程  
估客晝眠知浪靜舟人夜語覺潮生  
三湘愁鬢逢秋色萬里歸心對月明  
舊業已隨征戰盡更堪江上鼓  
鼙聲

酬李端野寺病居見寄

野寺昏鐘山氣陰亂籐高竹水聲深  
農夫就餉還依草野雉驚飛不過林  
齋沐暫思同靜室清羸已覺助禪心  
寂寞日長誰問疾料君惟取古  
方尋

酬暢當尋高岳麻道士

聞逐樵夫閒看碁忽逢人世是秦時  
開雲種玉爍山淺渡海傳書恠鶴遲  
陰洞石幢微有字古壇松樹半無枝  
煩君遠示青囊錄願得相從一  
問師

早春歸盤屋舊居寄耿緯

野日初晴麥隴分竹園村巷鹿成群  
萬家廢井生新草一樹繁花對古墳  
引水忽驚冰滿澗向田空見石和雲  
可憐荒歲青山下惟有松枝可



贈君

和王員外冬夜寓直

高步長裾錦帳郎居然自是漢賢良  
潘岳敘年因髣髴楊雄託諫在文章  
九天韶樂飄寒月萬戶香塵裛夜霜  
坐見重門儼朝騎可憐雲路好  
翱翔

夜投豐德寺謁海上人

李端

半夜中峰有磬聲偶逢樵者問山名  
上方月曉聞僧語下界林疎見客行  
野鶴巢邊松最老毒龍潛處水偏清  
願得遠公知姓字焚香洗鉢過  
餘生

宿淮浦寄司空曙

愁心一倍長離憂夜思千重戀舊遊  
秦地故人成遠夢楚天京雨在孤舟  
諸谿近海潮皆應獨樹邊淮葉盡流  
別恨轉深何處寫前程惟有一  
登樓

酬張芬赦後見寄

司空曙

紫鳳朝銜五色書陽春忽布網羅除  
已將心變

寒灰後豈料光生腐草餘  
建水風烟收客淚  
杜陵花竹夢郊居  
勞君故有詩相贈  
欲報瓊瑤愧不如

酬李端見贈

綠槐垂穗乳鳥飛  
忽憶山中獨未歸  
青鏡流年  
看髮變白雲  
芳草與心違  
乍逢酒客  
春游慣久  
別林僧  
夜坐稀  
昨日聞君到城郭  
莫將簪弁勝荷衣

南原望漢宮

荒原空有漢宮名  
衰草茫茫雉堞平  
連鴈下時  
秋水在行人  
過盡暮烟生  
西陵歌吹何年絕  
南陌登臨此日情  
故事悠悠不可問  
寒禽野水自縱橫

送友人遊江南

耿緯

遠別悠悠白髮新  
江潭何處是通津  
潮聲偏懼  
初來客海味  
惟甘久住人  
漠漠烟光漁浦晚  
青草色定山春  
汀洲更有南回燕  
亂起聯翩北向秦

送韋八少府判官歸東京

崔峒

玄成世業紫真官，文似相如貌勝潘。  
鴻鴈南飛人獨去，雲山一別歲將闌。  
清淮水急桑林晚，古驛霜多柿葉寒。  
瓊樹相思何日到，銀鈎數字莫爲難。

送薛居士和州讀書

嚴維

孤雲獨鶴共悠悠，萬卷經書一葉舟。  
楚地巢城民舍少，烟村社樹鷺湖秋。  
蒿萊織妾晨炊黍，隅地畊童夕放牛。  
年少不應辭苦節，諸生喜遇一封侯。

送崔同使往睦州兼寄薛司戶

如今相府用英髦，獨往南州肯告勞。  
冰水近開漁浦出，雪雲初卷定山高。  
木奴花映桐廬縣，青雀舟隨白露濤。  
使者應須訪廉吏，府中惟有范功曹。

會稽郡樓雪霽

張繼

江城昨夜雪如花，郢客登樓望霽華。  
夏禹壇前仍聚玉，西施浦上更飛沙。  
簾櫳向晚寒風度，

睨初晴落景斜數處微明銷不盡湖山青映越  
人家

江北春望贈皇甫補闕

張南史

閑園柳綠井桃紅野逕荒墟左右通清迥獨連  
江水北芳菲更似洛城東時看雨歇人歸岫每  
覺潮來樹起風聞道金門堪濟世何須身與海  
鷗同

送張閣老中丞持節弔回鶻

權德輿

旌旆翩翩擁漢官君行當得遠人歡分職南臺  
知禮重綴書東觀見才難金章玉節鳴騶遠白  
草黃雲出塞寒欲散別愁唯有酒暫煩賓從駐  
征鞍

荆帥

武元衡

金貂再入三公府錦帳連封萬戶侯簾捲青山  
巫峽曉雲凝碧樹渚宮秋劉琨坐嘯風生苑謝  
眺裁詩月滿樓白雪調高歌不得美人南國翠  
蛾愁

寒食途次松滋渡先寄劉員外  
竇常

杏花榆莢曉風前雲際離離上峽船江轉數程  
淹驛騎楚曾三戶少人烟看春又過清明節筭  
老重經癸巳年幸得桂山當郡舍在朝長詠卜  
居篇

金陵懷古

劉禹錫

王濬樓船下益州金陵王氣黯然收千尋鐵鎖  
沉江底一片降旗出石頭人世幾回傷往事山  
形依舊枕寒流今逢四海爲家日故壘蕭蕭蘆  
荻秋

松滋渡望峽中

渡頭輕雨洒寒梅雲際溶溶雪水來夢渚草長  
迷楚望夷陵土黑有秦灰巴人淚應猿聲落蜀  
客船從鳥道廻十二碧峰何處所永安宮外是  
荒臺

荆門道懷古

南國山川舊帝畿宋臺梁館尚依稀馬嘶古樹  
行人歇麥秀空城野雉飛風吹落葉填宮井火  
入荒陵化寶衣徒使詞臣庾開府咸陽終日苦

思歸

登柳州城寄漳汀封連四州 柳宗元

城上高樓接大荒，海天愁思正茫茫。  
驚風亂颭芙蓉水，密雨斜侵薜荔牆。  
嶺樹重遮千里目，江流曲似九回腸。  
共來百越文身地，猶自音書滯一鄉。

別舍弟宗一

零落殘魂倍黯然，雙垂別淚越江邊。  
一身去國六千里，萬死投荒十二年。  
桂嶺瘴來雲似墨，洞庭春盡水如天。  
欲知此後相思夢，長在荆門郢樹烟。

嶺南郊行

瘴江南去入雲烟，望盡黃茅是海邊。  
山腹雨晴添象跡，潭心日暖長蛟涎。  
射工巧伺遊人影，覩母偏驚旅客船。  
從此憂來非一事，豈容華髮待流年。

荅張十一功曹

韓愈

山淨江空水見沙，哀猿啼處兩三家。  
筓簪篋競長

層言卷一  
三十四  
纖纖筍躑躅閑閑豔豔花未報恩波知死所莫  
今炎瘴送生涯吟君詩罷看雙鬢斗覺霜毛一  
半加

奉酬振武胡十二丈大夫

傾朝共羨寵光頻半歲遷騰作虎臣戎旆暫停  
辭社樹里門先下敬鄉人橫飛玉盞家山曉遠  
蹀金珂塞草春自笑平王誇膽氣不離文字鬢  
毛新

廣宣上人頻見過

三百六句長擾擾不衝風雨卽塵埃久慙朝士  
無裨補空愧高僧數往來學道窮年何所得吟  
詩竟日未能迴天寒古寺遊人少紅葉牕前有  
幾堆

左遷至藍關示姪孫湘

一封朝奏九重天夕貶潮陽路八千欲爲聖明  
除弊事肯將衰朽惜殘年雲橫秦嶺家何在雪  
擁藍關馬不前知汝遠來應有意好收吾骨瘴  
江邊

次鄧州界

潮陽南去倍長沙戀闕那堪又憶家心訝愁來  
惟貯火眼知別後自添花商顏暮雪逢人少鄧  
鄙春泥見驛賒早晚王師收海嶽普將雷雨發  
萌芽

和水部張員外宣政殿賜百官櫻桃詩

漢家舊種明光殿炎帝還書本草經豈似滿朝  
承雨露共看傳賜出青冥香隨翠籠擎初到色  
映銀盤寫未停食罷自知無所報空然慙汗仰

皇荷

送人過衛州

楊巨源

憶昔征南府內遊君家東閣最淹留縱橫聯句  
長侵夜次第看花直到秋論舊舉盃先下淚傷  
離流水更登樓相思前路幾回首滿眼青山過  
衛州

送澹公歸嵩山龍潭寺苑本師

野烟秋水蒼茫遠禪境真機去住閒雙樹爲家  
思舊壑千花成塔禮寒山洞宮曾向龍邊宿雲



徑應從鳥外還莫戀本師金骨地空門無處復  
無關

春題龍門香山寺

衆香天上梵仙宮鐘磬寥寥半碧空清景乍開  
松嶺月亂流長響石樓風山河杳映春雲外城  
闕參差曉樹中欲盡出尋那可得三千世界本  
無窮

寒食內宴

張籍

城闕沉沉向曉寒恩當令節賜餘懽瑞烟入處

開三殿香雨微時引百官寶樹樓前分繡幕綵  
花廊下映華欄宮筵戲樂年年別已得三回對  
御看

送楊少府赴鳳翔

詩名往日動長安首首人家卷裏看西學已行  
秦博士南宮新拜漢郎官得錢祗擬還書鋪借  
宅常時事藥欄今去岐州生計薄移居偏近隴  
頭寒

送韓侍御歸山

唐詩卷七  
聞君久卧在雲間爲佐嫵姚未得還新結茅廬  
招隱逸獨騎驄馬入深山九靈洞口行應到五  
粒松枝醉亦攀明日珂聲出城去家僮不復掃  
柴關

送汀州元使君

曾成趙北歸朝計因拜王門最好官爲郡暫辭  
雙鳳闕全家遠過九龍灘山鄉祇有輸蕉戶水  
鎮應多養鴨欄地僻尋常來客少刺桐花發共  
誰看

寄和州劉使君

別離已久猶爲郡閒向春風倒酒甕送客特過  
沙口堰看花多上水心亭曉來江氣連城白雨  
後山光滿郭青到此詩情應更遠醉中高詠有  
誰聽

寄陸渾趙明府

與君學省同官處常日相隨說道情新作陸渾  
山縣長早知三禮甲科名郭中時有仙人住城  
上應多藥草生公事稀踈來客少何妨着履獨

閒行

早春五門西

王建

百官朝下五門西  
塵起春風滿御堤  
黃帕蓋鞍呈了馬  
紅羅纏項鬪回雞  
館松枝重墻頭出  
渠柳條長水面齊  
惟有教坊南草色  
古城陰處冷萋萋

周家谿亭

少年因病離天仗  
乞得歸來自養身  
買斷竹溪無別主  
散分泉石與新隣  
山頭鹿下長驚犬  
池面魚游不怕人  
鄉使到門常款語  
還聞世上有功臣

尋郭道士不遇

白居易

郡中乞假來相訪  
洞裏朝元去不逢  
看院祇留雙白鶴  
入門惟見一青松  
藥爐有火丹應伏  
雲碓無人水自舂  
欲問叅同契  
中事未知何日得  
相從

和樂天早春詩見寄

元稹

雨香雲淡覺微和  
誰送春聲入棹歌  
萱近北堂

唐詩卷七  
穿土早柳偏東面受風多湖添水色消殘雪江  
送潮頭湧漫波同受新年不同賞無由縮地欲  
如何

黃陵廟

李文山

小姑洲北浦雲邊二女明粧共儼然野廟向江  
春寂寂古碑無字草芊芊東風近墓吹芳芷落  
日深山哭杜鵑猶似含顰望巡狩九疑如黛隔  
湘川

嶺南道中

李德裕

嶺水爭分路轉迷枕柳樹葉暗蠻溪愁衝毒霧  
逢蛇草畏落沙虫避燕泥五月畚田收火米三  
更津吏報潮雞不堪腸斷思鄉處紅槿花中越  
鳥啼

入泗口

李紳

洪河一派清淮接堤草蘆花萬里秋烟樹蒼茫  
分楚澤海雲明滅見揚州望深江漢連天遠思  
起鄉關滿眼愁惆悵路岐惟此處夕陽西沒水  
東流

早秋寄題天竺靈隱寺

賈島

峰前峰後寺新秋絕頂高窓見沃州人在定中  
聞蟋蟀鶴曾棲處掛獼猴山鐘夜度空江水汀  
月寒生古石樓心憶懸帆身未遂謝公此地昔  
曾遊

送源中丞使新羅

姚合

丹墀名對使殊方官重霜臺紫綬光玉節在船  
清海恠金函開詔拜夷王雲晴漸覺山川異風  
便那知道路長誰得似君將雨露海東萬里洒

扶桑

錦瑟

李商隱

錦瑟無端五十絃一絃一柱思華年莊生曉夢  
迷蝴蝶望帝春心託杜鵑滄海月明珠有淚藍  
田日暖玉生烟此情可待成追憶只是當時已  
惘然

茂陵

漢家天馬出蒲梢苜蓿榴花徧近郊內苑只知  
銜鳳嘴屬車無復挿雞翹玉桃偷得憐方朔金

屋粧成貯阿嬌誰料蘇卿老歸國茂陵松柏雨  
瀟瀟

馬嵬

海外徒聞更九州他生未卜此生休空聞虎旅  
鳴宵柝無復雞人報曉籌此日六軍同駐馬當  
時七夕笑牽牛如何四紀爲天子不及盧家有  
莫愁

籌筆驛

魚鳥猶疑畏簡書風雲長爲護儲胥徒令上將  
揮神筆終見降王走傳車管樂有才終不忝關  
張無命欲何如他年錦里經祠廟梁甫吟成恨  
有餘

隋宮

紫泉宮殿鎖烟霞欲取蕪城作帝家王璽不緣  
歸日角錦帆應是到天涯于今腐草無螢火終  
古垂楊有暮鴉地下若逢陳後主豈宜重問後  
庭花

碧城

碧城十二曲闌干  
犀辟塵埃玉辟寒  
閨苑有書多附鶴  
女墻無樹不棲鸞  
星沉海底當窓見  
雨過河源隔坐看  
若是曉珠明又定  
一生長對水晶盤

重過聖女祠

白石巖扉碧蘚滋  
上清淪謫得歸遲  
一春夢雨常飄瓦  
盡日靈風不滿旗  
萼綠花來無定所  
杜蘭香去未移時  
玉郎會此通仙籍  
憶向天涯問紫芝

九成宮

十二層城閨苑西  
平時避暑拂虹蜺  
雲隨夏后雙龍尾  
風逐周王八駿蹄  
吳岳曉光連翠嶽  
甘泉晚景上丹梯  
荔枝盧橘沾恩澤  
鸞鵲天書濕紫泥

促漏

促漏遙鐘動靜聞  
報章重疊杳難分  
舞鸞鏡匣收殘黛  
睡鴨香爐換夕熏  
歸去豈知還向月  
夢來何處更爲雲  
南塘漸暖蒲堪結  
兩兩鴛鴦護

水紋

重有感

主帳牙旗得上游安危須共主君憂竇融表已  
來關右陶侃軍宜次石頭豈有蛟龍曾失水更  
無鷹隼與高秋晝號夜泣兼幽顯早晚星關雪  
涕收

寫意

燕鴈迢迢隔上林高秋望斷正長吟人間路有  
潼江險天外山惟玉壘深殘日花間留返照片  
雲城上結層陰三年已制思鄉淚更入新年恐  
不禁

無題五首

萬事風波一葉舟憶歸初罷更夷猶碧江地沒  
元相引黃鶴沙邊亦少留益德冤魂終報主阿  
童高義正橫秋人生豈得長無謂懷古思鄉共  
白頭

昨夜星辰昨夜風畫樓西畔桂堂東身無綵鳳  
雙飛翼心有靈犀一點通隔座送闔春酒暖分



曹射覆蠟燈紅嗟予聽鼓應官去走馬蘭臺類  
轉蓬

來是空言去絕蹤月斜樓上五更鐘夢爲遠別  
啼難喚書被催成墨未濃蠟燭半籠金翡翠麝  
香數度綉芙蓉劉郎已恨蓬山遠更隔蓬山一  
萬重

颯颯東南細雨來芙蓉塘外有輕雷金蟾啣鎖  
燒香入玉虎牽絲汲井迴賈氏窺簾韓掾少宓  
妃留枕魏王才春心莫共花爭發一寸相思一

寸灰

相見時難別亦難東風無力百花殘春蠶到死  
絲方盡蠟燭成灰淚始乾曉鏡但愁雲鬢改夜  
吟應覺月光寒蓬山此去無多路青鳥殷勤爲  
探看

九日齊山登高

杜牧

江涵秋影鴈初飛與客携壺上翠微塵世難逢  
開口笑菊花須插滿頭歸但將酩酊酬佳節不  
用登臨怨落暉古往今來只如此牛山何必淚

霑衣

寄題甘露寺北軒

曾上蓬萊宮裏行  
北軒闌檻寂留情  
孤高堪弄桓伊笛  
縹緲宜聞子晉笙  
天接海門秋水色  
煙籠隋苑暮鐘聲  
他年會着荷衣去  
不向山僧道姓名

西江懷古

上吞巴漢控瀟湘  
恐似連山淨鏡光  
魏帝縫囊真戲劇  
符堅投箠更荒唐  
千秋釣舸歌明月  
萬里沙鷗弄夕陽  
范蠡清塵何寂寞  
好風唯屬往來商

登洛陽故城

許渾

禾黍離離半野蒿  
昔人城此豈知勞  
水聲東去市朝變  
山勢北來宮殿高  
鴉噪暮雲歸古堞  
鴈迷寒雨下空壕  
可憐縱嶺登仙子  
猶自吹笙醉碧桃

金陵懷古

玉樹歌殘王氣終  
景陽兵合戍樓空  
楸梧遠近

唐詩卷  
千官塚禾黍高低六代宮石燕拂雲晴亦雨江  
豚吹浪夜還風英雄一去豪華盡惟有青山似  
洛中

凌歊臺

宋祖凌歊樂未回三千歌舞宿層臺湘潭雲盡  
暮山出巴蜀雪消春水來行殿有基荒薺合寢  
園無主野棠開百年便作萬年計巖畔古碑空  
綠苔

驪山

聞說先皇醉碧桃日華浮動鬱金袍風隨玉輦  
笙歌迴雲捲珠簾劍珮高鳳駕北歸春寂寂龍  
輿西幸水滔滔娥眉沒後巡遊少瓦落空墻見  
野蒿

凌歊臺送韋秀才

雲起高臺日未沉數村殘照半巖陰野蠶成繭  
桑柘盡谿鳥引雛蒲稗深帆勢依依投極浦鐘  
聲杳杳隔前林故山迢遞故人去一夜月明千  
里心

咸陽城東樓

一上高城萬里愁  
 蒹葭楊柳似汀洲  
 溪雲初起日沉閣  
 山雨欲來風滿樓  
 鳥下綠蕪秦苑夕  
 蟬鳴黃葉漢宮秋  
 行人莫問當年事  
 故國東來渭水流

送蕭處士歸綏山

醉歌烏帽髮如絲  
 曾看山人一局碁  
 宿館有魚為客久  
 鄉書無鴈到家遲  
 綏山住近吹簫廟  
 湘水行逢鼓瑟祠  
 今夜月明何處宿  
 九疑雲盡綠參差

京口寄友人

吳門烟月昔同遊  
 楓葉蘆花共客舟  
 聚散有期雲北去  
 浮沉無計水東流  
 一尊酒盡青山暮  
 千里書回碧樹秋  
 何處相思不相見  
 鳳樓宮闕楚江頭

晚自朝臺至苕隱居郊園

秋來鳧鴈下方塘  
 繫馬朝臺步夕陽  
 村逕繞山松葉暗  
 柴門流水稻花香  
 雲連海氣琴書潤  
 風

帶潮聲枕簟涼西去礧谿猶萬里可能垂白待  
文王

四皓廟

桂香松暖廟門開獨瀉椒漿奠一杯秦法欲興  
鴻已去漢儲將廢鳳還來紫芝翳翳多青草白  
石蒼蒼半綠苔山下驛程南竄路不知冠蓋幾  
人回

韋壽傳書齋

薛逢

玄晏先生已白頭不隨鵝鷺狎群鷗元卿謝免  
開三逕平仲朝歸卧一裘醉後獨知殷甲子病  
來猶作晉春秋塵纓未濯今如此野水無情處  
處流

送衢州崔員外

笑分銅虎別京師嶺下山川想到時紅樹暗藏  
殷浩宅綠蘿深覆偃王祠風茅向暖抽書帶露  
竹迎風舞釣絲休指巖西數歸日知君已負白  
雲期

降虜

趙嘏

廣武溪頭降虜稀一聲寒角怨金微河湟不在  
春風地歌舞空裁雪夜衣鐵馬半嘶邊草去狼  
煙高映塞鴻飛揚雄尚白相如吃今日何人從  
獵歸

經陳琳墓

溫庭筠

曾於青史見遺文今日飄蓬過古墳詞客有靈  
應識我霸才無主始憐君石麟埋沒藏秋草銅  
雀荒涼對暮雲莫恠臨風倍惆悵欲將書劔學  
從軍

過五丈原

鐵馬雲騅久絕塵柳陰高壓漢營春天清殺氣  
屯關右夜半妖星照渭濱下國卧龍空寤主中  
原逐鹿不由人象床寶帳無言語從此譙周是  
舊臣

過馬嵬驛

穆滿曾爲物外遊六龍經此暫淹留返魂無驗  
青煙滅埋血空成碧草愁香輦却歸長樂殿曉  
鐘還下景陽樓甘泉不復重相見誰道文成是

故侯

湘中送友人

李頻

中流欲暮見湘煙，岸葦無窮接楚天。  
去鴈遠衝雲夢雪，離人獨上洞庭船。  
風波盡日依山轉，星漢通宵向水懸。  
零落梅花過殘臘，故園歸去又新年。

送人之嶺南

李郢

關山迢遞古交州，歲晏憐君走馬遊。  
謝氏海邊逢素女，越王潭上見青牛。  
嵩臺月照啼猿曙，石室煙含古桂秋。  
迴望長安五千里，刺桐花下莫淹留。

寄遠

劉滄

西園楊柳暗驚秋，寶瑟朱絃結遠愁。  
霜落鴈聲來紫塞，月明人夢在青樓。  
蕙心迢遞湘雲暮，蘭思縈迴楚水流。  
錦字織成添別恨，關河萬里路悠悠。

長洲懷古

野燒空原盡荻灰，吳王此地有樓臺。  
千年事往

唐詩卷七  
人何在半夜月明朝自來白鳥影從江樹沒青  
猿聲入楚雲哀停車日晚薦蘋藻風靜寒塘花  
正開

經煬帝行宮

此地曾經翠輦過浮雲流水竟如何香銷南國  
美人盡怨入東風芳草多殘柳宮前空露葉夕  
陽江上浩煙波行人遙起廣陵思古渡月明聞  
棹歌

咸陽懷古

經過此地無窮事一望凄然感廢興渭水故都  
秦二世咸原秋草漢諸陵天空絕塞聞邊鴈葉  
盡孤村見夜燈風景蒼蒼多少恨寒山半出白  
雲層

行次野梅奉和日休韻

陸龜蒙

飛棹參差拂早梅強欺寒色尚低回風憐薄媚  
留香與月會深情借艷開梁殿得非蕭帝瑞齊  
宮應是玉兒媒不知謝客離腸醒臨水應添萬  
恨來



揚州看辛夷花

柳疎梅墮少春藂  
天遣花神別致功  
高處朶稀難避日  
動時枝弱易爲風  
堪將亂葉添雲肆  
若得千枝便雪宮  
不待群芳應有意  
等閑桃李即爭紅

張碩重寄杜蘭香

又云宋邕

碧落香銷蘭露秋  
星河無夢夜悠悠  
靈妃不降三清駕  
仙鶴空成萬古愁  
皓月隔花追歎別  
飛煙籠樹省淹留  
人間何事堪惆悵  
海色西風十

二樓

龍泉寺絕頂

方干

未明先見海底日  
良久遠雞才報晨  
古樹含風常帶雨  
寒岩四月始知春  
中天氣爽星河近  
下界時豐雷雨均  
前後登臨思無盡  
年年改換往來人

寒食

來鵬

獨把一盃山館中  
每驚時節恨飄蓬  
侵堦草色連朝雨  
滿地梨花昨夜風  
蜀魄啼來春寂寞  
楚

魂吟去月朦朧分明記得還家夢徐孺宅前湖水東

河中鸛雀樓

張喬

高樓懷古動悲歌鸛雀今無野鳥過樹隔五陵秋色早水連三晉夕陽多漁人遺火成寒燒牧笛吹風起夜波十載重來值搖落天涯歸計欲如何

新豐

唐彥謙

浦中歌舞百餘人帝業功成里巷新半夜素靈先哭楚一星遺火下燒秦貔貅掃盡無三戶雞犬歸來識四隣惆悵故園前事遠曉風長路起埃塵

金陵夜泊

羅隱

冷煙輕靄傍衰叢此日秦淮駐斷蓬栖鳥遠驚行夜火乳鴉高避落帆風地消王氣波聲急山帶秋陰樹影空六代精靈人不見懷感因在月明中

征人

羅鄴

青樓一別戍金微力盡秋來破虜圍錦字莫辭  
連夜織寒鴻長是到春歸正憐漢月當空照不  
柰胡沙滿眼飛唯有夢魂南去日故鄉山水路  
依稀

春日長安即事

崔魯

一百五日又欲來梨花梅花參差開行人自笑  
不歸去瘦馬獨吟真可哀杏酪漸香鄰舍粥榆  
煙將變舊爐灰盡樓春暖清歌夜肯信愁腸日  
九迴

春別

章碣

擲下離觴指亂山趨程不待鳳笙殘花邊馬嚼  
金銜去樓上人垂玉筍看柳陌雖然風裊裊葱  
河猶自雪漫漫慙慙莫厭貂裘重恐犯三邊五  
月寒

陪湖南李中丞璋宴隱溪

曹松

竹林啼鳥不知休羅列飛橋水亂流觸散柳絲  
迴玉勒約開蓮葉上蘭舟酒邊舊侶真何遜雲  
裏新聲是莫愁若值主人嫌晝短應陪秉燭夜

深遊

金橋感事

吳融

太行和雪疊晴空二月郊原尚朔風  
飲馬早聞臨渭北射鵰今欲過關東  
百年徒有伊川嘆五利寧無魏絳功  
日暮長亭正愁絕悲笳一曲戍煙中

途中經野塘

韓偓

世亂他鄉見落梅野塘晴暖獨徘徊  
船衝水鳥飛還止袖拂楊花去又來  
季重舊遊多喪逝子

山新賦極悲哀眼看朝市爲陵谷始信昆明有劫灰

春盡

惜春連日醉昏昏醒後衣裳見酒痕  
細水浮花歸別澗斷雲含雨入孤村  
人閑易得芳時恨地迴難招自古魂  
慚愧流鶯相厚意清晨猶爲到西園

三月

辛夷纔謝小桃發踏青過後寒食前  
四時最好

唐詩卷七  
是三月一去不迴惟少年吳國地遙江接海漢  
陵魂斷草連天新愁舊恨知無柰須就鄰家甕  
底眠

殘春旅舍

旅舍殘春宿雨晴恍然心地憶咸京樹頭蜂抱  
花鬚落池面魚吹柳絮行禪伏詩魔歸靜域酒  
衝愁陣出奇兵兩梁免被塵埃汗拂拭朝簪待  
眼明

憶昔

韋莊

昔年曾向五陵遊午夜清歌月滿樓銀燭樹前  
長似晝露桃花下不知秋西園公子名無忌南  
國家人字莫愁今日亂離俱是夢夕陽唯見水  
東流

題華嚴寺木塔

張泌

六街晴色動秋光雨霽憑高只自傷一曲晚烟  
浮渭水半橋斜日照咸陽休將世路悲塵事莫  
指雲山認故鄉回首漢宮樓閣暮數聲鐘鼓自  
微茫

晚次湘源縣

烟郭遙聞向晚雞  
水平舟靜浪聲齊  
高林帶雨楊梅熟  
曲岸籠雲謝豹啼  
二女廟荒汀樹老  
九疑山碧楚天低  
湘南自古多離怨  
莫動哀吟易慘悽

晚秋過洞庭

征帆高掛酒初酣  
暮景離情兩不堪  
千里晚霞雲夢北  
一州霜橘洞庭南  
溪風送雨過秋寺  
磧石驚泉落夜潭  
莫把羈魂弔湘魄  
九疑愁絕鎖

烟嵐

登長安慈恩寺塔

盧宗回

東方曉日上翔鸞  
西轉蒼龍拂露盤  
渭水寒光搖藻井  
玉峯晴色上朱闌  
九重宮闕參差見  
百二山河表裏觀  
輒是輟去蓬悲不定  
一凭金界望長安

秋宿湘江遇雨

譚用之

江上陰雲鎖夢魂  
江邊深夜舞劉琨  
秋風萬里芙蓉國  
暮雨千家薜荔村  
鄉思不堪悲橘柚  
旅

遊誰肯重王孫漁人相見不相問長笛一聲歸  
島門

贈素處士

不將桂子種諸天長得尋君水石邊玄豹夜寒  
和霧隱驪龍春暖抱珠眠山中宰相陶弘景洞  
裏真人葛稚川一度相思一惆悵水寒烟澹落  
花前

秦王卷衣

陳標

秦家漢闕靄春烟珠樹瓊枝近碧天御氣馨香

蘇合啓簾光浮動水精懸霏微羅縠隨芳袖宛  
轉鮫綃逐寶筵從此咸陽一回首暮雲愁色已  
千年

遊東湖黃處士園林

劉威

偶向東湖更向東數聲雞犬翠微中遙知楊柳  
是門處似隔芙蓉無路通樵客出來山帶雨漁  
舟過去水生風物情多與閒相稱所恨求安計  
不同

排律

祕書省有賀監知章章草題詩筆力道健  
風尚高遠拂塵尋玩因有此作 温庭筠

越溪漁客賀知章任達憐才愛酒狂  
鷓鴣蒿花隨釣艇蛤蜊菰葉夢橫塘  
幾年涼月拘華省一宿秋風憶故鄉  
榮路脫身終自得福庭回首莫相忘  
出籠鸞鶴歸遼海落筆龍蛇滿壤墻  
李白死來無醉客可憐神彩弔殘陽

從軍行

崔融

穹廬雜種亂金方武將神兵下玉堂  
天子旌旄過細柳匈奴運數盡枯楊  
關頭落月橫西嶺塞下凝雲斷北荒  
漠漠邊塵飛衆鳥昏昏朔氣聚群羊  
依稀蜀杖迷新竹髣髴胡床識故桑  
臨海舊來聞驃騎尋河本自有中郎  
坐看戰壁爲平土近待軍營作破羗

唐詩類鈔卷之七





